

Gvangjsih Minzcuz Bau

ganbhau: CN45-0036 B.2015 Nd.11 Ng.25 liggaueq ietfeih nienz ndwencib cibsei

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3200期

Swcigih Minzveij Minzyijveij Genyi Aeu Hong Vah Saw Boux- cuengh Liedhaeuj Deihfueng Fapgvi Laebfap Hanghmoeg

自治区民委民语委建议将壮族语言文字工作列入地方性法规立法项目

Vih gvancez lozsiz Swcigih Dangiveij, Swcigih Yinzminz Cwngfuj gij cingsaenz 《Gvancez lozsiz <Cunghung Cunghyangh, Gozvuyen Aen Yigen Gvendaengz Gyagiengz Caeuq Gaijndei Youq Seiz Hingzseiq Moq, Hong Minzcuz> Hengzguh Fueng' anq》gvendaengz “gyavaiq hong saujsu minzcuz vah saw laebfap cincwngz”, Swcigih

Minzveij, Minzyijveij ginggvaq bi lai diuyenz lwnhcingq, youq 2015 nienz 11 nyied 20 hauh yieugq Swcigih Fazciban soengqbauq le 《Faenhsaw Gvendaengz Genyi Aeu Hong Vah Saw Bouxcuengh Liedhaeuj Deihfueng Fapgvi Laebfap Hanghmoeg》, genyi aeu 《Guengjsae Bouxcuengh Swcigih Hong Vah Saw Bouxcuengh Diuzlaeh》liedhaeuj

Swcigih Yinzda deihfueng fapgvi laebfap diuyenz sijgauj hanghmoeg. Danghnaeuz genyi ndaej doenggvaq, Swcigih Minzveij, Minzyijveij yaek laebdaeb boiqhab mizgven bumwnz haiguh hong vah saw Bouxcuengh laebfap, ceng' aeu 《Diuzlaeh》vaiqdi dingh' ok, okdaiz.

(自治区民语委办公室)

SIUSIK DINJ

简讯

● Gaenh geij bi neix daeuj, Gunghcwngz Yauzcuz Swciyen nyinhcaen guh ndei nungzswih bouxguhseng' eiq caebcomz beizyin, daj goekgaen dawz-yiemz gvan cizlieng vafeiz, nungzyoz. Doenggvaq yiemzgek guh ndei saekloeg lwgmak biucinjvaq swngchcanj, daj goekgyaeuj guh ndei guenjieix, mizyauq baujcaeng bouxsiuhfei “gwnzlinx ancienz”, ndaej daengz daengx guek gak dieg bouxguhseng' eiq haenggyaez.

(Liengz Veih Dangz Fuzlonz)

● Geij ngoenz neix, Sanglinz Yen Cinhih Yauzcuz Yangh Donzveij youq Baizbah Mbanjyauz banh gaiq daih' it “11.11 doxdueng Cinhih · caez caux gyaundeiz daengzcog” bouxcoz gyauyox hozdung, 100 lai boux ndangdog bouxcoz saimbwk daj Sanglinz Yen caeuq seiqhenz yienhsi daeuj haenx camgya le hozdung.

(Lij Dauyungj)

● 11 nyied 20 daengz 21 hauh, Lingzyinz Yen banh gaiq daih' it cungh siujyoz Sawgun dingqsij doxdax, daengx yienh gak yanghcin, yienhsingz gak cungh siuj hagdangz cungj bauqmingz camgya doxdax.

(Siuh Fazlingz)

● Bineix daeuj, Dwzbauj Yen couzcomz cienz 10000.5 fanh maenz, haenqrengz doicaenh hong hwnjguh mbanjmbanj doeng lohsuijniz, daengz seizneix, daengx yienh 18 diuz 138.6 goengleix doeng mbanj lohsuijniz gaenq cienzbouh haihong hwnjguh. Aen yienh neix 185 aen hingzcwngcunh gaenq miz 175 aen ndaej doeng lohsuijniz, ngamq lw miz 10 diuz doeng mbanj lohsuijniz seizneix cingq gyagaenj guh hong, ceng' aeu youq bineix saedyienh mbanjmbanj doeng lohsuijniz muzbyauh.

(Nungz Yungfang)

● 11 nyied 18 hauh banhaemh, Yungzsuij Myauzcuz Swciyen Anhdai Yangh banh saujsu minzcuz bouxguhnaz vwnzyi comzyienj. Miz 10 aen mbanj 12 aen Myauzcuz bouxguhnaz yenjyenz, biujyienj gofoux, siujbinj, vaiqbanj daengj cungj cezmuiz feihdauh nyuenz miz neix, angqhoh fungsou.

(Lungz Linzci)

Sanhgyangh: Diuq Fouxdohyeh Baijyienj Fungcingz

三江: 欢跳“多耶”展风情



11 nyied 22 hauh, Sanhgyangh Dungcu Swciyen banh “danq-cienq gyaundeiz” Dungcu fouxdohyeh doxdax, 25 aen doihdaiqbiuj daj aen yienh neix gak yanghcin daeuj haenx caemhdaiz yienj heiq, haiguh fungcingz doxdax, yungh goyeh gag bien gag yienj haenx cienzciengq minzcuz doxgiet caeuq Mbanjdung bienqva hungloet. “Dohyeh” dwg cungj ndaw-bienz conzdungj go-foux hingzsiq Cungguk Dungcu he, eiqsei dwg “ciengq go diuq foux”, bouxcamgya aeu fwngz rag fwngz humx baenz gien he, riengzlaeng gij vaiqmenh lingx-cienq doq ciengq doq foux. Ndaw doz dwg beixnuengx Dungcu diuq fouxdohyeh.

(Gungh Bujangh/ 龚普康)

Vanzgyangh Vahmauznanz Gvangjbo Densi Sinhvwenz Lanzmoeg Youq Ngoenzyienhgingq Cingqsik Cuengqok

环江毛南语广播电视新闻栏目在县庆日正式开播

11 nyied 18 hauh banhaemh 8 diemj cung, Vanzgyangh Mauznanzcuz Swciyen Vahmauznanz gvangjbo densi sinhvwenz lanzmoeg youq aen yienh neix ngoenzyienhgingq cingqsik cuengqok.

Ciuq cam rox, aen yienh neix itcig yawjnaek hong gvangjbo densi senhconz, roengzrengz vih daengx yienh ginghci ndawbiengz hwngfat daengxbuenz caux ok heiqaen h yizlun naekna. Doengzseiz, vih Mauznanzcuz daegsaek vwnzva ndaej engq ndei baujhoh, swnjcienz caeuq hwngfat, hawj engqlai vunz roxyiuj Mauznanzcuz daegsaek vahgangj vwnzva

goekdaej naekna, doidoengh deihfueng gak hangh hong hwngfat, aen yienh neix dangiveij, cwngfuj guh le anbaiz, gietdingh youq yienh gvangjbo densidaiz haibanh 《Sinhvwenz Vahmauznanz》lanzmoeg. Geij ngoenz daeuj, ginggvaq lai fuengmienh bangcoengh caeuq boux guhhong saeqsim couzbwh, aen yienh neix densidaiz roengzsim senj bouxboq-yaem Vahmauznanz, saeqsim guh sinhvwenz Vahmauznanz, cungjsuenq youq ngoenzyienhgingq cuengqok.

Baez neix cuengqok, cungfaen yienh'ok dangj caeuq guekgya doiq beksingq Mauznanzcuz gvansim, vih

caenh' itbough fatyienz saujsu minzcuz conzdungj vwnzva, dajcaux deihfueng Mauznanzcuz vwnzva binjbaiz, haibanh aen densi lanzmoeg vahgangj minzcuz gig miz seizdaih daegsaek, minzcuz daegsaek, deihfueng daegsaek ndeu dwkroengz giekdaej gaenjaemh. Engqgya fungfouq dangdieg saujsu minzcuz vunz lai vwnzva saedceij, ndaej daengz dangdieg vunz lai Mauznanzcuz haenggyaez, vanzlij vih engq ndei baujhoh, hwngfat caeuq swnjcienz vwnzva vahgangj Mauznanzcuz, veizhu minzcuz doxgiet cinbu saehnib ndaej miz gig ndei coicaenh cozyung.

(Danz Su' myauz/ 谭素苗)